



1. Oktober 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Atuarfik pillugu Inatsisartut Inatsisaat nr. 15, 3. December 2012-meersumi, §15 naapertorlugu " Atuartut piginnaasamikkut ajornartorsiuteqarnertik pissutigalugu nalinginnaasumik atuartitsinerup iluani immikkut ikiorserneqarnissaminnik pisariaqartitsinerat tunniunneqarsinnaanngippat, immikkut atuartinneqassapput allatullu annertusisamik immikkut perorsaanikkut ikiorserneqassallutik."**
- Naalakkersuisut uppersarsinnaavaat atuartut immikkut atuartinneqarnissaminnik allatullu annertusisamik immikkut perorsaanikkut ikiorserneqarnissamik atorfigisaqartitsisut tamatigut tamatumingna neqeroorfigineqartarnersut?
- 2. Apeqqut 1-imut akissut aappiuppat: Naalakkersuisut ilisimatitsissutigisinnaavaat inatsimmi immikkoortoq pineqartoq ilumut pisarnersoq Naalakkersuisut qanoq qulakkeertarneraat, tassalu atuartut immikkut atuartinneqarnissamik allatullu annertusisamik immikkut perorsaanikkut ikiorserneqassallutik pisariaqartitsisut aamma taamatut neqeroorfigineqartartut?**
- 3. Naalakkersuisut ilisimatitsissutigisinnaavaat illoqarfiit aammalu nunaqarfiit qassit immikkut atuartinneqartunik klassenik pilersitsisimanersut imaluunniit annertusisamik immikkut perorsaanikkut ikiorsinnissamik pilersitsisimanersut?**
- 4. Naalakkersuisut ilisimatitsissutigisinnaavaat taamatut pisariaqartitsisunut immikkut atuartitsinermut allatullu annertusisamik immikkut perorsaanikkut ikiorsiinissamut kommunet sipaarniuteqarnersut?**
- 5. Naalakkersuisut uppersarsinnaavaat Inatsisartut Inatsisaanni, nr. 15, 3. December 2012-meersumi §15 atorunnaarsinneqarsimannngitsog?**
- 6. Naalakkersuisut ilumuunnginnerarsinnaavaat ilumoornerarluguluunniit atuartut immikkut atuartinneqarnissamik allatigulluunniit annertusisamik immikkut perorsaanikkut ikiorserneqarnissamik**

**pisariaqartitsisut atuaqatigiinnut "nalinginnaasunut" tamakkiisumik
ilanngutitsinneqartalersimanersut, piginnaasamikkut
ajornartorsiuteqaraluarlutik immikkullu ikiorserneqaratik?**

**7. Apeqqut 6-mut akissut aappiuppat: Taamaattoqarsimappat taava
atuartut assigiinngitsumik patsiseqartumik immikkut
atuartinneqarnissaminnik allatullu annertusisamik immikkut
perorsaanikkut ikiorserneqarnissaminnik atorfissaqartitsisut
atorfissaqartitaasa tunniunnissaat qanoq allatut
qulakkeerniarneqartarpat?**

(Inatsisartuni ilaasortaq Sofia Geisler, Inuit Ataqtigiit)

Tungavilersuut:

Ilisimareeraluarlugu meeqqat atuarfiata ingerlanneqanera kommunenit isumagineqartoq qulaani apeqqutit Naalakkersuisunut ingerlatippakka pissutigalugu inatsit tungavigneqartoq tassaammata Inatsisartut Inatsisaat, aammalu atuarfik pillugu inatsimmi §37, imm. 1 naapertorlugu Naalakkersuisut tassaammata inatsimmik ilumut atuutsisisoqarneranik nakkutiginnittussatut pisussaataaffectartut. Aperininnut tunuliaqutaavoq suliassamut qanittumik sulinikkut malinnaasunit saaffigineqartarama, taakkunanga ernumassutigineqarluni atuartut immikkut iliuuseqarfigineqartussatut atorfissaqartitsisut atuaqatigiinnut "nalinginnaasunut" akuutinneqaleriartortutut isikkoqarnerat, immikkut atorfissaqartitsinerat / pisariaqartitsinerat tamatigut isiginiarneqartarani.

Atuartut pineqartut tassaapput meeqqat immikkut eqqumaffigisassat, immikkullu ikorfartorneqarnissaminnik pisariaqartitsisut, taamaattumillu paaserusuppara meeqqat taamatut inissisimasut atuartinneqartarnerat ernumassutigissallugu pissutissaqarnera.

Kissaatigivara apeqqutikka ullut suliffiusut qulit qaangiutinnginneranni akineqarnissaat.